



AIMUN PETSHITINAKANIT SHAPUTUE TSHETSHI UNUIPANITAKANIT

Kanatshishkatunanut « Shitashkunakanu teueikan »

KANATSHISHKATUNANUT MESHTA-KATSHITAITSEMAKAK TSHE AITINANUT NIKAN E AITAPINANUT

23 epishiminishkueu 2023 – atusseun ua tutakanit ! Mashinaikanitshuap Tshakapesh uin tshika pimipanitau kanatshishkatunanunit tshe mishta-katshitaitshemakak tshe aitinanut anite nikan e aitapinanut mak Mishue Innuat utaitunnuau, uesh ekute tshe mamunakaniht Tshukuminuat kie Tshimushuminuat mak anitshenat ka itishauakaniht anite ut utinnu-assiuat, uinuau ka natuenitahk, tshetshi uauitakanit shash tshekat uenitak tshissenitamun, ne anu tshitshue e uinakanit atik^u mak teueikan. Ne tshe aitinanut, 13 nuash 16 uinashku-pishim^u 2023 ute Uashat mak Mani-utenam.

« Shitashkunakanu teueikan » issishuemakan e shetshipitakanit atikuian tshetshi anakanit anite teueikanashkut.

Ne tshitshue ua utitaikanit tshetshi mamunakaniht Tshukuminuat mak Tshimushuminuat mishue innu-assit ka taht, anitshenat kenuenitahk pet tshissenitamunnu. Ne e uauinakanit Papakassik^u, atiku-utshimau, tshetshi uauitahk tan tshipa ishi-uauitshiaushinanu tshe ishi-aitutuakanit atik^u mak kassinu nenu aitapatshiakanit miam teueikan, atanukana, shashish metueuna, puamuna, innu-matshunisha, ashamat, kie kutaka tshekuana. Ne tshe aitinanut iapit itenitakanu tshetshi ashu-minakaniht kaiuassiuht, tshe uitakanit tshe ishi-ashu-minakaniht tshissenitamuna anitshenat tshitauassiminuat aianishkat.

Meshekut tshika innu-aiminanu ne tshe uauitamatanut aimun. Apu tshika ut tat kaiashu-uitamatshesht, uanasse tshetshi aimiht anitshenat Tshukuminuat mak Tshimushuminuat nasht tshetshi eka tshekuannu mamashikuht uauitakau ka tshitimavenitakuannit mak meshta-katshitaitshemakannit. Anite tshe taht tshe natshishkatunanunit kie ma anite ut atusseu-katshitapatakannit, Tshukuminuat kie Tshimushuminuat tshika tshi minu-uauitamatuat aimunnu.

Uipat tshika uauitakanu kassinu tshe ishi-pimutenanut kie uipat tshika uauitamuakanuat nenu anitshenat kanatutashiht. Tshika itishaikanu mashinaikan uashamakaniht anitshenat tshe patshitinahk utaimunnuau, mak tshe uinakanit ute natshe, tshi tatushishikua.

Shash neunnuepipuna ashu patetat (45) eshpush tat Tshakapesh!

- 30 -

Dan-George Mckenzie, kauauitshiaushit kaimitunanunit
Institut Tshakapesh
418 968-4424 | 418 961-3332
dan-georges.mckenzie@tshakapesh.ca